



САМУРДИН

ссс

«Магъарамдхуъруън район» МР-дин
общественно-политический газет.
Общественно-политическая газета
МР «Магъарамкентский район».

Газет 1951- йисалай акъатзава. № 23 (7791) киш, 4 - июнь, 2016- йис. Къимет 6 манат.

Суварин тебрик



ГЪУЪРМЕТЛУ РАЙОНЭГЪЛИЯР! Чна чи ватанэгълийриз,
вири мусурманриз, азиз Рамазандин пак тир варз алукуун
риклин сидкъидай мубаракзава.

Мусурманар патал и пак сувар хийирлу крар гъидайди
хъурай, къуй ада гъар са къвализ сад-садан гъавурда акъа-
дай меслятлувилин гъалар гъурай. Квез инсанрин арада
журьэтлувал, инсанпересвал, ислягъвал ва дурумлувал мягъ-
кемаруниз таъсирдай къуват гурай.

Аплагъди квез виридаз, гъуърметлур, сифтени-сиф-
те мягъкем сагъвал, хизанда члехи гъуърмет-хатур ва бе-
рекат гурай.

Фарид АГЪМЕДОВ,
«Магъарамдхуъруън район»
муниципальный райондин къил.



И ЙИКЪАРА Махачкъалада СтIал Сулейманан
шииратдин йикъариз талукъарна мярекат къиле
тухвана. И сувар члехи шаирдин тIвар алай къван
вири чкайра къейдна. Иллаки адан тIварунихъ галай
районда мярекат къетIенди хъана.

2016 - ЙИСАН
2 - ПАЙ ПАТАЛ

САМУРДИН

ссс

ГАЗЕТДИН
ПОДПИСКА
БАШЛАМИШНАВА

* * *
ИНДЕКС:
6 вацра - 51406

Г А З Е Т
райцентрдал почтамтда,
хуърера адан отделенийра
подписка ийиз жеда.

* * *
ГАЗЕТДИН КЪИМЕТ
6 вацра - 141 манат.



АЯЛВИЛИЗ МУГЪМАН ХЪАНА



АДЕТ ХЪАНВАЙВАЛ, гъар йисуз 1- июндиз райондин школайра, бахчайра международный «Аялрин югъ» шад гъалара къейдзава. Им аялрихъ галаз чехибурни аялвиллиз мугъман жезвай югъ я.

И йикъаз талукъарнавай шадвилер Магъарамдхуьре авай «Солнышко» бахчадани тешкиллувилелди кыле фена. Къуд патаз музыкадин сес чкъанвай, гъар жуьре рангарин пайдахралди, цуьквералди чӀагурнавай бахчадин гъаятта халис суварин гъалар гъиссзавай. Ширинлухралди, хуш няметралди дуьзмишнавай суфрайрихъ аялри, тербиячийри ва диде-бубайри чпиз чкаяр къунвай.

Суварин шадвилер тебрикдин гаф рахуналди гъа и бахчадин социолог Эльвира Насрединовади ва тербиячи Рагнета Османовади ачухна. Гаф гана рахай «Солнышко» бахчадин заведующий Лейла Агъамирзоевади, УО- дин профкомдин председатель Шевкет Магъамедова, райпедиатр Эльмира Яралиевади, ЦРБ – дин кылин духтурдин заместитель Алзира Широновади, Магъарамдхуьруьн администрациядин кыл Рафик Агъамирзоева, УО- дин работник тир Айна Гъажиевади, Жамиля Къазагъмедовади, МР- дин отделрин начальникар, бубаяр тир Леонард Буржалиевани Давид Сулейманова сиф-



те нубатда аялриз, ахпа абурухъ гъар юкъуз гелкъвезвай, абуруз пис-хъсан чирзавай, тербия гузвай тербиячийриз и сувар тебрикна. Акъалтзавай несилдин кылел гъамиша михьи, ислягъ цав ва хъсан гележег хъун чпин мурад тирди лагъана.

Акъалтзавай несилдиз тербия гунин карда лайихлу пай кутазвай,

везифаяр жавабдарвилелди тамарзавай «Солнышко» бахчадин заведующий Л. Агъамирзоевадизни музыкальный руководитель А. Абдулкъадироваз УО- дин Гъуьрметдин грамотаяр гана.

Райондин КЦСОН- дин патай набут аялриз риклел аламукъдай пишкешар гана.

Суварин савкъват яз, гъа и бахчадин аялри атанвай мугъманриз чпин къуьлерикай, манийрикай, сегънейрикай ибарат тир еке концерт гана. Дербент шегъердай атанвай «Умка» тӀвар алай центр – студиядин аниматорри, чи бицӀекрин рикӀ алай мультфильмайрин игитрин костюмар алаз мярекатда иштиракун, аялар патал халис савкъват хъана. БицӀекри абурухъ галаз къуьлер авуна, манияр лагъана, шикилар яна.

-Чи балаяр патал ихътин сувар тешкилиз куьмек гайи, лайихлу пай кутур диде- бубайриз чухсагъул, абур галачиз чалай ихътин мярекат къурмишиз ва тешкиллувилелди кыле тухуз алакьдачир, - лагъана гъа и бахчадин заведующий Лейла Сабировнади.

Музыкадин ван кылел алаз суварин шадвилер яргъалди давам хъана.

А. АЙДЕМИРОВА.



ЮЛДАШДИ ЮЛДАШДИКАЙ

КЪЕТИЕН БАЖАРАГЪ АВАЙ КАС

ИТАЛИЯДИН политик Карло Россиядин фикирдалди, малимдин бажарагъ; инстинктдикай, къастуникай ва зигъиндикай ибарат я. Гъа ихътин малимрикай садчи райондин Тагъирхуьруьн къазмайрин юкъван школада физика-

дин тарсар гузвай малим Зумруд Алирзаевна я.

1988 – йисуз ДГПУ- дин физикоматематический факультет акъалтларай жегъил пешекарди вичин зегъметдин рехъ Тюмендин об-ластда физикадин малим яз баш-

ламишна. 2004 – йисалай къенин йикъалди Тагъирхуьруьн къазмайрин юкъван школада къвалахзава.

Вичин къвалахдив Зумруд малим яратмишуналди эгечизава.



6

ШКОЛАДИЗ - ХЪСАН
ГЪАЗУРВАЛ АВАЗ

Вад йисан къене бахчадин администрациядиз жуьреба-жуьре куьмекар гайи диде-бубайриз «Гуьгъуьллу куьмекчи» тивар алай грамотаяр гана.

Эхирдай мярекатдал рахай М.



И ЙИКЪАРА Магъарамдхуьруьн «Солнышко» бахчада чехи группайрин, школадиз физвай аялрин диде-бубайрин гуьруьш къиле фена. И гуьруьш адет тушир жуьреда, яни гъвечли КВНдин жуьреда къиле фена.

И мярекатда аялри математикадай, урус члалай, члал ачухунай, тебиатдин алемдай, гъвечли расказрай чпин чирвилер къалурна. Аялри неинки лезги члалал, гъакл урус члалални хъсан жавабар гана. Гуьруьш тухунин метлеб школадиз физвай аялрин гъазурвал ахтармишун тир.

Анал иштирак авур М. Гъажиеван тиварунихъ галай 1- нумрадин юкъван школадин директор Гъ. Къадирова, УО-дин къилин

специалист Н. Гуььсейнова, гъвечли классрин завуч М. Кыасумова, гъвечли классрин малимар Ф. Джабраилова, Л. Мирзоева, М. Апаева аялрин алакьунрилай гзаф рази яз амукьна.

Чехи группайра къвалахзавай тербиячияр тир Д. Асалиевади, С. Шагмардановади, Р. Османовади диде-бубаяр аялрин гъилин къвалахрихъ галаз танишарна. И гуьруьш къиле тухвай социолог Э. Насрединовади диде-бубайрихъ галаз скороговоркайрин, хъсан суал-жавабдин нетижаяр къуна.

Мярекатдал къиле тухвай «Хъсан куьмекчи», «Жегъил художник», «Гъвечли артист», «Жегъил спортсмен» конкурсра гъалиб хъайи аялриз грамотаяр гана.

Гъажиеван тиварунихъ галай 1- нумрадин школадин директор Гъ. Къадировади бахчадин руководстводиз аялар школадиз хъсан гъазурвал аваз гъазурунай чухсагъул лагъана. Инал рахай аялрин диде-бубайрини «Солнышко» бахчадин тербиячийриз чпин аялар хъсан гъазурвал аваз школадиз гъазурунай гзаф чухсагъулдин, разивилин келимаяр лагъана.

Гуьрчегдиз тукьлуьрнавай, жуьреба-жуьре наметривди безетмишнавай столар алай «Солнышко» бахчадин залда мярекат шад гълара ва яргълди давам хъана.

Э. МИРЗОЕВА,
«Солнышко» бахчадин
къилин тербиячи.



АВТОРДИКАЙ КЪВЕ ГАФ

ЗУН Исмихан Къадимов вахъ галаз 1997- йисан га- туз таниш хъанай. Ам вичин шиирар гваз редакциядиз а т а й л а , члехибур чка- дал алачиз яш хъанвай, амма чина берекат- дин нур авай халудиз за жу- ван кабинет- диз теклиф-

най. Хабарар къурдалай гуьгъуьниз, цийиз кваллахал хъанвай заз ам чи районда тIвар – ван авай шаир тирди ва ада чи газетдихъ галаз гъа- миша сигъ алакъа хуьзвайди якъин хъана. Къвед лагъай сеферда Исмихан халу чиниз атайла ада заз автордин патай са къве чIални кхъена къул чIугунвай «Шарвили» ва «Хизан сир я» ктабар багъишнай. Жегъил мухбир яз шаирди авур гъур- метди зун цавук кхъунай. Гъар сеферда Исми- хан халу редакциядиз атайла адахъ галаз уьмуьрдикай, кIвалахдикай, са жерге маса дер- дийрикай рахун адетдиз элкъвеннай.

Ада шиирар кхъенвай чIалан миxивили, абурун кесерлувили, маналувили, гъар са чIалан назиквили ва абур кIелзавайдав булахдай авахъ- завай яд хъиз агакъуни зун гъейранарна. КIел –

кхъин бегъем тахъанвай, амма уьмуьрдин уькIуь-цуру вири дадмишнавай Исмихан халудин шиирар акъал- тзавай несил патал халис тарих я. Адан шииррай чаз куьгъне девирар, чи ата бубайри кечирмишай уьмуь- рар ачухдиз аквазва ва абурулай чал агакънавай хъсан адетар давамардай мумкинвал гузва. Авторди багъи- шай ктабар за багъа савкъватар хъиз хуьзва.

Исмихан Къадимов 1931 – йисуз Докъузпара рай- ондин Гъепцегърин хуьре дидедиз хъана. Аял вахтар залум дяведин мишекъат йисарал ацалтна. Хуьруьн школада ирид класс акъалтIарайдалай къулухъ кIелун давамардай мумкинвал хъхъанач. КIвачи чил къурда- лай инихъ зегъмет къимет, къиметдин къадир чир хъайи ада са кIусни бушвалнач. Вичин уьмуьрда ан- жах гьалалу зегъметдин сагъиб хъайи Исмихан Къа- димович уьмуьрдин вири имтигъанрай уьткъемвилел- ди экъечIна. Секин, гзаф сабурлу, вичин я мецикай, я гъиликай масадан кефи тахай, хъсан несигъатчи, яр – дуст, къунши хъайи ам чидай гъар са касдин патай адаз анжах гъурмет авуниз лайихлу хъана. Исмихан Къа- димович хуьруьн, райондин уьмуьрдивай са юкъузни къерех туш. Райондин культурадин маканра кIиле физвай вири мярекатрин иштиракчи я.

Вичин уьмуьрдин юлдашни галаз хъсан, мягъкем хизан кутуна. Абурухъ пуд хва, свасар, муьжуьд хтул ва къуд птул ава.

Ингъе юбилейдиз мукъва «Илим – Дагъустан» ти- пографияда автордин «Уьмуьр женг я» тIвар алай ирид лагъай ктаб чапнава. И ктабда шаирдин сатира ва юмордикай, кIанивилин гъиссерикай, сагъламли- кай, тIебиатдин гуьзелвеликай, уьмуьрдикай кхъенвай шиирар гъатнава. Чна къе куь фикирдиз и ктабдай са шумуд шиир гузва.

ХИЗАН СИР Я

*Хизандин сир пайда жеда
Чаз эвленмиш жедайла,
Ам хуш умуд,къайда жеда
Чун мурадлив къведайла.*

*А сир гваз чи уьмуьр фида
Руьгъдин чIехи къуват жез,
А сирди чаз хийир гъида
Гагъ четин,гагъ регъят жез.*

*Чун къилихра гъазур жеда
Гъурмет ийиз инсандиз,
Чун къайгъуйра мажбур жеда
КIвал эцигиз хизандиз.*

*Чун къуншидин къаршидал са
Лайих кас жез эгечIада.
Кимерал физ халкъдин юкъва
Хуш суьгъбетдик экечIада.*

*Чун къайгъуда жез девлетдин
Кардихъ рикI гваз гелкъведа,
Чна кIвалахна, чи зегъметдин
Къазанжи гваз хуькведа.*

*РикIе чими гуьгъуьл жеда
Аваз кардин къайгъуда.
Хъсан кардал пехил жеда,
Ам чешнедиз къачуда.*

ТАХЪУЙ

*Юхсул хъайи мал тахъуй.
Куьлягъ хъайи итимни,
Нек галачир кал тахъуй,
Тахъуй аял етимни.*

*Хаиндикай хан тахъуй,
Ичкидикай земземни.
Са бахт такур чан тахъуй
Уьмуьрдикай жегънемни.*

*Цав тийижир къуш тахъуй,
Марф дакъадай циферни,
Гъуьлуьз тефей руш тахъуй,
Хажалатдин йиферни.*

*Муьгъман дакIан кIвал тахъуй,
Гъурмет квахъай хизанни.
Ашкъида пис тIал тахъуй,
Девлет квахъай Ватанни.*

*Инсандин руьгъ перт тахъуй,
Хура гъатдай къилерни.
Веледрикай дерт тахъуй,
Чинал зайиф вилерни.*

*Дяве квагъдай кас тахъуй,
Тахъуй азгъун рикIерни.
Чи дуствилел пас тахъуй,
Агалнавай рекьерни.*



ЮБИЛЕЙ ШАД ГЪАЛАРА КЪЕЙДНА



И ЙИКЪАРА Гъепцегърин юкьван школада чна вирида гъурметзавай, чи рикл алай шаир Къадимов Исмихан Къадимович дидедиз хъайидалай инихъ 85 йис тамам хъуниз талукъарнавай юбилей шад гъалара къейдна. Исмихан Къадимович лезги шииратда къетлен хатл авай шаиррикай сад я. Ам члалаз гъурметзавай, къваларив гвайбурувайни члалав гъурметдивди эгечлун истемишзавай, члалан михивал хуьниз эвер гузвай шаир я. Ада Ватандикай, тарихдикай, тлебиатдин гуьзелвиликай, зегъметдикай, муьгъуббатдикай кхъенвай шиирар чун патал ядигарар яз гъисабиз жеда.

Юбилейдин шадвилера школадин малимри, члехи классрин аялри, культурадин Кивалин работникри, юбилярдин хизанди ва патарай атан-

вай муьгъманри иштиракна.

Шад мярекат гъа и школадин дидедин члалан малим Гевгъер Гюлмагъамедовади ачухна ва кьиле тухвана. Гаф гана рахай Гъепцегърин хуьруьн администрациядин кьил Саид Пирова, сифтегъан классрин малим Саласа Гъажиметовади, школадин директор Абдурашид Адиева, райондин общественный Советдин председатель Агъадаш Нагъметуллаева, РД-дин культурадин лайихлу работник Изам Улубекова, манидар Касмудин Меликова, бажарагълу аялрин центрдин руководитель Наида Магъамедрасуловади, культурадин Кивалин художественный руководитель Абдукерим Улубекова, «Самурдин сес» газетдин старший корреспондент Афисат Айдемировади, Изберг шегъердай хтанвай юбилярдин хва Къадим Къадимова хъанвай юбилей мубаракна, юбилярдин

уьмуьрдин, яратмишунрин рекъикай гегъенш суьгъбетарна. Члехи классра клелзавай Рабият Вагъидовади, Генжим Садулаева, Мурад Саркарова, Жавгъарат Улубековади, Рузлана Ражабовади, Миясат Лачиновади, Тамум Гъажиевади шаирдин «Чубарук», «Диде чан», «Къарини кьужа», «Вот, юлдашар», «Дидедин члал» ва са жерге шиирар клелна.

Культурадин Кивалин работникар тир Изам, Гъамид ва Абдукерим Улубековри, Р.Вагъабовади лагъай маниьри, тамамарай макъамри мярекат мадни гурлу авуна. Юбилейдин шадвилер гъар са няметдив безетмишнавай суфрадихъ яргъалди давам хъана.

А. АЙДЕМИРОВА.

ЧЕХИ ГЪАЛИБВИЛИН- 71 ЙИС

ГЪАЛИБВИЛИК ПАЙ КУТУРДИ

ВАТАНДИН Чіехи дяведа фашизмдин винел гъалибвал къачурдалай инихъ 71 йис алатнава. Тарихда еке метлеб авай и вакъиа чи Ватандин вири халкъари, вири инсаниятди риклел хкана ва къаршиламишна. Азадвал, аслу туширвал патал женгера чанар гайи къегъалриз чпин квалериз хтай игитриз чна, юкъ агъузана, икрамзава. Гъайиф хьи, чи ветеранрин жергеяр къвердавай къери жезва.

Чіехи Гъалибвилик Кашан хуьряй тир Латиф ИДАЯТОВА вичин пайни кутуна. Дербентдин педучилище куьтягъна хтанвай жегъилди школада тарсар гузвай. Дяве башламиш хъайила, малим, жегъил свасни квалел туна. фронтдиз фенай.

Дагъларин хци дяведин эхирдал къван душмандихъ галаз женг члугуна. Ада иштиракъай вири женгера къегъалвал къалурна. Хирер-къацлар хъанвай Л.Идаятов хурудал орденар, медалар алаз 1945-йисуз хтана ва малимвилин рикл алай пеше хуьруьн школада давамар хъувуна. Гзаф йисара гъакъисагъвилелди зегъмет члугур ветеран 10 йис вилик, 96 йисан яшда аваз рагъметдиз фена.



Адакай гвардиядин 144-стрелковый дивизиядин политрук, подполковник Я. Бачунина «Балтикадин къерехрин риклел алама» ктабда «Вильнюсдин куьчеда женг» очеркда ингъе вуч хъизватла:

«... Шегъредал экъечнавай чи къушунрикай хабар авачир фашистар, кичлевал авачиз, рекъяй физвай. Амма и кар абуру еж къатлунна. Петр Вернидуба тупарай, Латиф Идаятовани Петр Яковлева пулеметрай

ягъуналди, душмандин автомаширин колонна 10 декъикъада тергена. Рекъел аламукъайди немсерин 15 машинни 6 туп тир.

...Вильнюсдин куьчейрикай сана чун къулухъ члугуниз мажбур хъанай. Душман батальондин штабдиз мукъва жезвай. Абурун вилик пад Л. Идаятован пулеметди къуна. Немсери Латифал гранатар веъез башламишна. И макъамда арадал атай вакъиаяр ягъан тийидайбур хъана. Латифа, къарагъна, вичел къевезвай гранатар сифте сад, ахла муькуьд къуна, гъужумзавай фашистрал гадар хъувуна. Гранатрин гъуьгъуналлаз ада вичин пулеметдайни абуруз цлай гана. Душмандин минадин клусар Л. Идаятовахъни галукъна, адал хер хъана. И арада адаз мукъувай сузадин ван атана. Ам залан хер хъанвай батальондин командир тир. Вичин хирерни кваз такъуна, Латифа командир къутармишна, вич женгуниз хъфена».

Гъа икI уьткъемвилелди, дирибашвилелди женг члугуна Дагъустандин хуьруьн школадин малимди Литвадин чилел!

Давуд ШЕРИФАЛИЕВ.

Ціийи хуьр.

КЪЕТИЕН БАЖАРАГЪ АВАЙ КАС

3 ←

Масадбурун ван атун, дердияр гъисс авун адан къетлен хесет я. Вичи тарс гузвай аялар фикир ийиз, чпи ийизвай кваллахдиз къимет гуз, гъар юкъуз хийирлу, къвалахъ галайдаз хуш крар ийиз вердишарзава. Са шумуд йис я Зумруд Алирзаевнади РМК – дин заседанийра иштиракиз. И мукъвара физикадинни математикадин малимрин заседанийрал Зумруд малимди «Дифференцированное обучение физике в современных условиях» темадай доклад авуна. Вичин тежриба мергъаметлувилелди кваллахдин юлдашрихъ галаз пайзава. Абурухъ галаз Зумруд малимди ачух тарсар, класдилай къецияй мярекатар ва яратмишунрин отчетар тухузва.

«Движение и взаимодействие тел», «Восхождение в царство света», «Великолепная девятка», «Тепловые явления» темайрай чіехи классра тухвай тарсари аялриз хъсан чирвилер ва зигъиндиз къуват гана. Сифте яз инсан космосдиз фейидалай инихъ 55- йис хъуниз талукъарнавай шикилрин выставка тешкилна.

- Чирвилерин рекъе виридалай нетижаллу хесет аслу тушир тапшуругъар тамамарун я.» - лугъузва Зумруд Алирзаевнади. Гъавилияй ада вичин тарсара тайинарнавай къайдайрилай аслу тушир кваллахни тухузва. Тарсар- къугъунар тухузва, тапшуругъар кроссвордар гузва аквадай материалар ва дифференцированный тапшуругъар алай карточкаяр ишлемиш-

зава. Кваллахдин вахт менфятлувилелди ишлемишун, чирвилерин дережа хкажун ва аялрал ацалтзавай нагърузка къезиларун патал алай вахтунда кардик квай технологияр ишлемишзава. Гъакъисагъвилелди члугур дурумлу зегъметди хъсан нетижаярни гузва.

Адан гъевеслу зегъметдиз кваллахдин юлдашри, диде - бу байрини хъсан къимет гузва. Вичин коллективдилай къециени Зумруд Алирзаевнади еке гъурмет къазанмишнава. Жуван нубатда азни Зумруд Алирзаевнадихъ чандин мягъкем сагъвал ва кваллахда агалкъунар хъана кланзава.

А. ГЪАЖИЕВА,
РМК –дин методист,

СПОРТДИН ХАБАРАР

ЦИЙИ ТРЕНЕР ЖЕДА



ДАГЪУСТАН Республикадин ФК «Анжи» командада дегишвилер хъанва. «Анжи» командадин дирекцияди, чпин контрактар куьтягъ хъуниз тамашна командадин кьилин тренер Руслан Агъаларовахъ ва адан куьмекчи Нарвик Сирхаевахъ галаз контрактар давамар хъувунач.

ФК «Анжиди» Руслан Агъалароваз ва Нарвик Сирхаеваз чпи команда патал чугур зегь-

мет екеди тирди, ам садани риклеай алуд тийидайди тирди ва командадин дирекцияди а кваллахдиз кьакьан дережадин кьимет гайиди лагъана.

Алай вахтунда «Анжи» ФКдин тренер вуж жедатла тайин туш. Амма командада еке дегишвилер жеда лугъузва.

Къведай цийи сезон «Анжиди» Россиядин Федерациядин кьилин лигада давамарда.

ЧИ КОРР.



**Р. ГЪАЖИЕВАН
ФОТО
ЭТЮД.**

*Самурдин там, еун тамарин пачагъ я,
Эсил бине авай анжах чи хуьре.
Вун хуьн тавун чаз лап еке гунагъ я,
Зиян гайи касдин гьатда кьан пеле.*

Крымская геморрагическая лихорадка

КРЫМСКАЯ геморрагическая лихорадка (КГЛ) - это вирусное природно-очаговое заболевание с трансмиссивным механизмом заражения. В переводе с латинского «геморрагия» означает кровотечение. Основными проявлениями КГЛ являются кровоизлияния в кожу, кровотечения из десен, носа, ушей, матки, желудка и кишечника, которые в случае несвоевременного обращения за медицинской помощью могут привести к летальному исходу. Первые же симптомы заболевания начинаются как у многих вирусных инфекций с резкого повышения температуры и тяжёлой интоксикации, сопровождающейся головной и мышечной болями.

Случаи заболевания регистрируются в весенне-летнее время (май-август) в период активности основных переносчиков инфекции – клещей, которые паразитируют главным образом на сельскохозяйственных животных (крупный и мелкий рогатый скот). Встреча человека с клещом возможна на отдыхе за городом, на рыбной ловле, даче, огороде, сельскохозяйственных работах в поле, при уходе за животными: дойке коров, стрижке овец.

Заражение человека КГЛ происходит в основном через укус переносчика, при раздавливании руками клещей, снятых с домашних животных, а также при контакте с кровью больных КГЛ (через повреждения кожи, микротрещины, ранки).


Контакта с клещом можно избежать, если знать и применять меры предосторожности, в том числе использование отпугивающих репеллентов, приобрести их можно в специализированных магазинах.

При сборе клещей с домашних животных пользоваться перчатками, не допускать раздавливание их руками, собранных клещей помещать в керосин и любой ядохимикат.

В повседневной жизни население может повлиять на снижение численности клещей путем активного участия в зачистке территорий дачных участков от прошлогодней травы, сухостоя, мусора, а также прилегающей территории к дачному участку. Особое внимание должно быть уделено содержанию сельскохозяйственных животных. Поэтому один раз в 10 дней с марта по август следует проводить противоклещевую обработку животных.

А. МУРТАЗАЕВА,
гл.врач ФФБУЗ ЦГиЭ
в Магарамкентском районе.

КРОССВОРД



ДУЪЗ ЦІАРАРА: 1.Бахчай-рин кьерехра акурдай шалман хътин ярғи къавах. 3.Суьгбет. 6.Ярғи ва я заланвал кве падни сад хъиз хъун. 9.Гъар са квалах тамамарзава, кыле тухузва. Ни? 15.Аш-каравал. 17.Хатавал тахъун. 19.Алчах, небгет.

ТИК ЦІАРАРА: 1.Жуваз муква тушир кас. 2.Тфенг. 3.Тапшурмишун, инанмишвал авун. 4.И чкайра, и ерийра. 5.Гъерекат акатун. 6.Папан вахан гъуъл. 7.Гъафтедин са югъ. 8.Рази тежедайди. 10.Урусри почта лугъуда. 11.Виляй кведай стал. 13.Чижерин продукт. 14.Машин са чкадиз са сеферда фена хтун. 16.Зегъер. 18.Каинатдин вини кыл.

Кроссворд туькьурайди- М. ЖЕЛИЛ.

ЖАВАБАР:
 Дуъз Ціара: 1. Чинар, 3. Икхитат, 6. Барабар, 9. Инан-наси, 12. Алверчи, 15. Раивал, 17. Хатауьз, 19. Утраш.
 Тик Ціара: 1. Чара, 2. Руьжа, 3. Икхитар, 4. Инра, 5. Та-дивал, 6. Бажапах, 7. Аре, 8. Ра-зисуьз, 10. Саки, 11. Наръв, 13. Вирт, 14. Рейс, 16. Агъу, 18. Арш.

Къаравили

Къиникъин жаза ганвайдаз эхиримжи хуьрек- хъсандиз гъазурнавай тямлу хуьрек гъана.
 -Кофедиз шумуд тлур шекер вегъеда? - хабар къазва надзира-телди.
 -Вун дили хъанвани? Зун диа-бетик я.

По просьбе жителей сельского поселения «сельсовет Магарамкентский»
 10 июня 2016 года в 15:30 часов по ул.Комсомольская возле специальной (коррекционной) школы-интерната VIII-вида состоится сельский сход с повесткой дня:

1. Переименование улицы Комсомольская в улицу имени Д. Фатахова.

Къепиркъазмайрин юкъван школа акъалтарайдан гъакъиндай 1993- йисуз Абдулкеримов Сабираз гайи А 102485- нумрадин аттестат квахъуниз килигна къуватда амачирди яз гъисабин.

**Къилин редактор
 А. А. ИСМАИЛОВ.**

Редакциядин адрес:
 368780. РД, Магъарамд-хуьруьн район, Магъарамдхуьр, Ленинан куьче.

Газет гъафтеда садра акъатзава.

Учредители: Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).
Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

**Чап ийиз вахкудай вахт - 16.00.
 Чапун патал къул чуьгуна- 15.00.**

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги члал.
**Индекс 63340. Тираж 1668.
 Заказ № 23.**

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+